


通志略

職官略六七

十二



庫文閣内			
三八	二二	漢	
函	二二	書	
三架	三册	號	類

庫文閣内			
三八	二二	漢	
函	二二	書	
三架	三册	號	類

内閣文庫			
番號	漢	2213	
冊數	20	(12)	
函號	286		3





職官略第六

王侯第十

歷代王侯封爵

公主并官屬附

淺草文庫

昔黃帝旁行天下分建萬國至于唐虞別為五等曰
 公侯伯子男則虞書所謂輯五瑞修五玉是其制也
 夏與唐虞同商制天子之田方千里公侯百里伯七
 十里子男五十里不能五十里者不合於天子附於
 諸侯鄭玄云此乃商所因夏爵三等之制凡四海之內九州州方千里
 州建百里之國三十七十里之國六十五十里之國
 百有二十凡二百一十國名山大澤不以封其餘以

為附庸間田凡九州千七百七十三國千里之外設
方伯五國為屬屬有長十國為連連有帥三十國為
卒卒有正二百一十國為州州有伯八州八伯五十
六正百六十八帥三百三十六長八伯各以其屬屬
於天子之老二人分天下以為左右曰二伯千里之
內曰甸千里之外曰采周制封王者後凡有功之諸
侯大者地方五百里侯四百里伯三百里子二百里
男百里方千里曰王畿其外方五百里曰侯服又其
外方五百里曰甸服又其外方五百里曰男服又其
外方五百里曰采服又其外方五百里曰衛服又其

外方五百里曰蠻服又其外方五百里曰夷服又其
外方五百里曰鎮服又其外方五百里曰藩服周之
初列
爵惟五公侯伯子男分土惟三公侯方百里伯方七
十里子男方五十里並因商制至周公居攝制禮作
樂列爵分土皆五等焉公五百里侯四
百里伯三百里子二百里男一百里凡諸侯世子
世國大夫不世爵使人以德爵人以功謂縣內及列
國諸侯為天
子大夫者不世爵而
世祿所以避賢也諸侯有上大夫卿下大夫上士
中士下士凡五等諸侯之大夫不世爵祿公國孤一
人公之孤
四命大國三卿皆命於天子次國三卿二卿命
於天子一卿命於其君左傳曰管仲受下卿之禮避
天子之二守國高故也明國
高是天子
之命卿也小國三卿一卿命於天子二卿命於其君

通志或各各

每國下大夫五人上士二十七人大國之卿不過三命下卿再命小國之卿與大夫一命其士不命次國之上卿位當大國之中中當其下下當其上大夫小國之上卿位當大國之下卿中當其上大夫下當其下大夫至于周衰諸侯失制號令自己其名不一於是正卿當國謂之相而楚謂之令尹其他異同難悉數矣秦制爵二十等以賞功勞二十徹侯後漢志曰徹侯金印紫綬功大者食縣小者食鄉亭得臣其所食十九關吏民後避漢武帝諱改曰通侯或曰列侯內侯類師古曰言有侯號而居京畿無國邑也十八大庶長劉昭曰自左庶長即大將軍也左右庶長即左右偏裨也十七

駟車庶長言乘駟馬之車而為衆庶之長十六大上造言皆主上造之士十五少上造十四右更言主領更率部其役事十三中更十二左更十一右庶長言為衆長十左庶長九五大夫劉昭曰自公士至五大夫八公乘言得乘公家之車也劉昭曰自吏皆軍吏也八公乘民爵不得過公乘過者得贊與子孫若同產然則公乘七公大夫與下六官大夫加官者軍吏之爵最尊稍尊也亦謂列位從四不更言不預更三簪以組帶馬曰襄簪二上造造成也言有一公士襄襄者主飾此馬爵命異於士卒劉昭曰步卒之有爵為士者也戰國之際秦項之間權設班寵有加賜邑君者蓋假其位號或空受其爵耳則田嬰為靖郭君白起為武安君魏冉弟為華陽君秦昭王弟為涇陽君及高陵君蔡澤為剛成君其後項梁為武信君陳餘為成安君李左車為廣武君之類是也至漢尤多蓋在封爵之外

別加漢興設爵二等曰王曰侯皇子而封為王者其
美號實古諸侯也故謂之諸侯王子封為侯者謂之諸
侯羣臣異姓以功封者謂之徹侯大者不過萬家小
者五六百戶以為差降而諸三國皆連城數十踰於
古制其諸侯功德優盛朝廷所敬異有賜特進者其
位在三公下其次列侯有功德天子命為諸侯者謂
之朝侯其位次九卿下皆平冕文衣侍祠郊廟其稱
侍祠侯者但侍祠而無朝位其非朝侯侍祠侯而以
下上小國或以肺腑宿親若公主子孫或奉先侯墳
墓在京師者亦隨時見會謂之猥諸侯凡諸王侯皆

金璽蓋綬

古者印璽通名今則尊卑有別漢舊儀云諸侯王金印黃金璽

璽赤地綬列侯黃金印龜紐文曰某侯之印亦以紫綬

掌治其國王常冠遠遊

冠綬五采而多朱自稱曰寡人教曰令凡諸侯王官
傳為太傅相為丞相又有御史大夫諸卿皆秩二千
石百官皆如漢朝漢朝唯置丞相其御史大夫以下
皆自置之及七國作亂之後景帝懲之遂令諸侯王
不得治民令內史治之改丞相曰相省御史大夫廷
尉少府宗正博士官武帝改漢內史中尉郎中令之
名內史為京兆尹中尉為執金吾郎中令為光祿勳而王國如故職員皆不
得自置又令諸王得推恩封子弟為列侯於是齊分

爲七趙分爲六梁分爲五淮南分爲三又令諸侯十月獻酎金不如法者國除作左官之律附益之法自後諸侯王唯得衣食稅租至成帝綏和元年省內史更令相治民大司空何武奏罷內史相如太守中尉如都尉參職是後中尉爭權與王相奏常不太傅但曰傳漢初論功封列侯者凡百四十有三人蕭何爲冠外戚與定天下侯者二人凡列侯金印紫綬大者食縣小者食鄉亭得臣其所食吏民凡皇帝之女公主皆列侯尚之王國有傳初曰太傅相本統後省內史而相理民如郡太守史記曰曹參相齊又曰石慶爲齊相舉國皆慕其家行不言而齊國大治而爲立石內史治國中尉掌武郎中令秩千石僕本相杜也

太僕改曰文學宋志云前漢王大司農衛士長太倉

長列侯國亦有相餘略與王國同公主有家令門尉

亦有賜重封者顏師古曰重封謂加二號耳成帝鴻嘉三年詔七

大夫以上皆令食邑秦本志列侯乃得食邑七大夫即公大夫非七大夫

以下皆復其身及戶勿事是歲又令吏民得買爵賈

級千錢後漢爵亦二等皇子封王其郡爲國其列侯

雖鄧寇元勳所食不過四縣爲侯國舊制列侯奉朝

請在長安者皆位次三公中興以來唯以功德賜位

特進者次車騎將軍賜位朝侯次五校尉賜位侍祠

侯次大夫其餘以肺腑及公主孫子或奉墳墓亦爲

猥諸侯

漢官儀曰皇后父兄率為特進侯朝會位次以次三公

明帝為四姓小

侯開立學校置五經師

外戚樊氏郭氏陰氏馬氏諸子弟立學號曰四姓小侯以

非列侯故曰小侯

諸王封者受茅土歸以立社罪侯歸國不

得臣吏民至獻帝建安初封曹操為費亭侯之制自

此始也二十年曹公始置名號侯置五大夫與舊列

侯關內侯凡六等以賞軍功初漢制皇女皆封縣公

主儀服同列侯其尊崇者加號長公主儀服同蕃王

諸王女皆封鄉亭翁主儀服同鄉亭侯

漢諸王女亦謂之翁主漢

書謂齊厲王姊為紀公主以紀氏所生因以為號

章帝唯特封東平憲王蒼

琅邪孝王京女為縣公主其後漢安帝姊妹亦封長

公主同之皇女

蔡邕獨曰漢帝子女曰公主儀比諸侯姊妹曰長公主儀比諸侯王也

其皇女封公主者所生之子襲母封為列侯皆傳國

于後鄉亭之封則不傳襲

永初元年鄧太后封清河孝王慶女十一人皆為鄉

公主分食邑奉

王國有傳

如師不臣二千石

相

秩二千石刀矟為魯相行縣三老執轡學

官處士皆乘馬隨後所頓亭鄉傳講經

內史

如郡丞

中尉郎中令

掌五大夫郎中

宿衛如馬

僕

主車治書奉使至

謁者禮樂長衛士長醫

工長永巷長祠祀長郎中其紹封削絀者中尉內史

官屬亦以率減列侯國置相

其秩各如本縣主治民如令長不臣也但納租

于侯以戶數為限

其官隨國大小為增減食邑千戶以上置

家丞庶子各一人不滿千戶則不置家丞舊置行人

洗馬門大夫等官又悉省諸公主各置家令一人魏
黃初三年初制封王之庶子為鄉公嗣王之庶子為
鄉侯公之庶子為亭侯其後定制凡國王公侯伯子
男六等次縣侯次鄉侯次亭侯次關內侯又置名號
侯爵十八級關中侯爵十七級皆金印紫綬又關外
侯十六級銅印龜紐墨綬五大夫十五級銅印環紐
亦墨綬自關內侯皆不食租虛封爵自魏始而有保
傅相常侍侍郎郎中令中尉大農文學友謁者大夫
諸雜署令丞公主有家令僕丞行夜督郵王大妃有
家令僕丞晉亦有王公侯伯子男六等之封晉令曰
有開國

郡公縣公郡侯縣侯伯子男及
鄉亭關中關內外等侯之爵唯安平郡公孚邑萬

戶制度如魏諸王其餘縣公邑千八百戶地方七十
五里大國侯邑千六百戶地方七十里次國侯邑千
四百戶地方六十五里大國伯邑千二百戶地方六
十里次國伯邑一千戶地方五十里大國子邑八百
戶地方五十里次國子邑六百戶地方四十里男邑
四百戶地方四十里武帝受禪之初泰始元年封建
子弟為王二十餘人以郡為國邑二萬戶為大國置
上中下三軍兵五千人邑萬戶為次國置上軍下軍
兵三千人邑五千戶為小國置一軍兵千五百人王

不之國宮於京師罷五等之制公侯邑萬戶以上國
 為大國五千以上為次國不滿五千戶為小國初雖
 有封國而王公皆在京師咸寧三年詔徙諸王公皆
 歸國時楊珧荀勗以齊王攸有時各懼惠帝有後難
乃追故司空裴秀立封建之旨遂詔王公悉令
 歸乃更制戶邑皆中尉領兵其平原汝南琅邪扶風
 齊為大國梁趙樂安燕安平義陽為次國其餘為小
 國既遣就國而諸公皆凡名山大澤不以封鹽鐵金
總京師涕泣而去
 銀銅錫始平之竹園別都宮室園囿皆不為屬國其
 仕在天朝者與之國同皆自選其文武官諸入作卿
 士而其世子年已壯者皆遣蒞國其王公侯以下茅

杜符璽車旗命服一如秦始故事凡王金印龜紐練
 朱綬遠遊三梁冠絳紗朝服佩山玄玉開國縣公郡
絳綬郡侯青朱綬同進賢三梁冠絳朝服佩山
玄玉開國縣侯伯子男金章朱墨綬冠佩亦同初武
 帝踐阼封宣帝孫求為東莞郡王始置二卿侯以下
 置官屬隨國大小無定制諸侯並三分食一東晉元
 帝太興元年始置九分食一元帝以西陽王羨屬尊
羨皇室元老特為之拜成帝詔羨依安平王國有傳
獻王孚故事設牀帳於殿上帝親迎拜
 傳即師也以景友武帝初置一人蓋因典書令丞掌
帝諱師故曰傳友文王仲尼四友之名國
教令職官錄曰漢制本曰尚書改為治書文學人郎
國諱又改為典書至晉武置典書令是也
 中令中尉大農此為左右常侍大國各二人次國各
三卿一人掌贊相獻替

通志耶官附六

內史 改太史為內史又晉將軍大國上中下軍三將軍次國上下二軍將

軍各一人小國用上軍而已 典祠典衛學官令治書中尉司馬世

子庶子陵廟牧長謁者中大夫舍人典府等其後省

相及僕省郎中置侍郎二人公侯以下國官屬遞減

晉書曰詔以壽光公鄭冲及朗陵公何曾國皆置郎中令又曰元帝初渡江即晉王位諸參軍奉車都尉

掾屬者百餘人時皆謂之曰百六掾 宋氏一用晉制唯大小國皆有三

軍凡王子為侯者食邑皆千戶諸王世子皆金印紫

綬進賢兩梁冠佩山玄玉初江夏王義恭為孝武所

忌憂懼故奏革諸侯聽事不得南向坐國官正冬不

得跣登國殿及夾侍障扇不得雉尾劍不得鹿盧形

刀不得過銀銅為飾詔可王國有師 改傳為之 自內史相

記室以下官多與晉同凡郡縣內史相並於國主稱

臣去任便止孝武孝建中始革此制不得追敬不得

稱臣正宜云下官而已齊封爵史闕王國有師諮議

文學等官公侯置郎中令一人卿餘與晉宋同梁封

爵亦如晉宋之制諸王皆假金獸符第一至第五左

竹使符第一至第十左諸公侯皆假銅獸符竹使符

第一至第五名山大澤不以封鹽鐵金銀銅錫及竹

園別都宮室園圃皆不以屬國諸王言曰令境內稱

之曰殿下公侯封郡縣者言曰教境內稱之曰第下

自第十稱皆曰寡人諸王公侯國官皆稱臣上於天
 朝皆稱陪臣王國置傅相公以下則臺各為選郎中
 令將軍常侍典書令典衛長伯子無典祠等官若王
 加將軍開府則置長史司馬及記室掾屬祭酒主簿
 錄事官屬嗣王則唯置郎中令中尉常侍大農藩王
 則無常侍制與後漢同陳置九等公王有家令之制
 郡有王嗣王藩王開國郡縣公開國縣侯開國縣伯
 開國縣子開國縣男沐食侯鄉亭侯關內侯關外侯
 鄱陽王之封也遣度支尚書蕭睿持節兼太宰告于
 太廟五岳尚書王質持節兼太宰告于太社凡親王

起家則為侍中若將軍方得有佐史無將軍則無府
 止有國官皇太子子冢嫡者封王依諸王起家餘子
 並封公起家中書郎諸王子并諸侯代子起家給事
 王公子起家員外散騎侍郎令僕子起家秘書郎若
 員滿亦為版曹次令僕子起家著作佐郎亦為版
 行參軍外有揚州主簿太學博士國皇弟皇子府置
 常侍奉朝請嗣王行參軍並起家官師長史司馬從事中郎諮議參軍友掾屬記室等官
 其嗣王藩王府則遞減之王國置郎中令將軍常侍
 典祠令舍人等官其嗣王藩王則遞減其員後魏道
 武皇始元年始封五等至天賜元年減五等之爵始
 分為四曰王公侯子除伯男之號皇子及異姓元功

上勲者封王皇族及始藩王皆降爲公諸公降爲侯
子於是封王者七十人公者二十二人侯者七十九
人子者百有三人王封大郡公封小郡侯封大縣子
封小縣其後復加伯男焉孝文太和八年詔凡王公
侯伯子男開國食邑者王食半公三分食一侯伯四
分食一子男五分食一舊制諸鎮將刺史假五等爵
及有所貢獻而得假爵者皆得世襲延興二年詔革
此類不得世襲又舊制諸以勲賜官爵者子孫世襲
并襲軍號後改降五等始革之止襲爵而已凡公主
皆嫁于賓附之國朝臣子弟雖名族美彥不得尚焉

後魏道武帝因見漢書婁敬說高帝欲以魯元公主妻匈奴良久故立此制矣諸王侯各亦

有師友文學侍郎掾屬舍人等官時王國舍人應取

公主有家令丞高平公主薨欲使公主家令居廬制

理婦人爲君男子爲臣古禮物不載則家令不得爲純臣公主不得爲正君明矣乃寢北齊有

王公侯伯子男六等之爵王位列大司馬上非親王

則在三公下封內之調盡以入臺三分食一公以下

四分食一王置師一人餘官大抵與晉宋梁制不異

公主則置家令丞等官後周制有公侯伯子男五等

爵者皆加開國授柱國大將軍開府儀同者並加使

持節大都督皇弟皇子置友及學士等員外餘吏闕

通志職官略六

聞隋開皇中制國王郡王國公郡公縣公侯伯子男
凡九等樊子蓋進爵封為濟公言其功至煬帝唯留
王公侯三等餘並廢之皇伯叔昆弟皇子是為親王
及大長公主長公主皆置官屬親王置師友文學長
史司馬諮議掾主簿錄事功曹記室戶倉兵騎法士
等曹參軍等東西閣祭酒參軍事典籤等員嗣王無
師友煬帝更名王府參軍為諸司書佐屬參軍則直
以屬為名改國令為家令餘以國為名者皆去之諸
公主各置家令丞主簿謁者舍人等員郡主唯無主
簿唐高祖之初以天下未定廣封宗室從弟及姪年

始孩童數十人皆封為郡王太宗即位問侍臣曰徧
封宗子於天下便乎右僕射封德彝對曰不便歷觀
往古封王者今日最多兩漢以降唯封帝子及親兄
弟若宗室踈遠者非有大功如周之郇滕漢之賈澤
並不得濫叨名器所以別親踈也先朝敦睦九族一
切封王爵命既崇多給力役蓋以天下為私殊非至
公馭物之道也太宗然之於是率以屬踈降爵唯有
功者數人得王餘並封縣公貞觀二年十二月太宗
謂公卿欲使子孫長乂社稷永安其理如何右僕射
蕭瑀對曰臣觀前代國祚所以長乂者莫不建諸侯

以爲盤石之固秦併六國罷侯置守二代而亡漢有天下參建藩屏年踰四百魏晉廢之不能永久封建之法實可遵行始議裂土之制禮部侍郎李百藥上議曰自古皇王君臨寓內莫不受命上玄飛名帝錄祚之長短必在天時政或盛衰有關人事而述著之家多守常轍莫不情忘今古理蔽澆淳欲以百王之季行三代之法也中書侍郎顏師古論曰臣愚以爲當今之要莫如量其遠近分置王國均其戶邑疆弱相齊畫堦分疆不得過大間以州縣雜錯而居互相維持永無傾奪使各守其境而不能爲非協力同心

則足扶京室特進魏徵又陳五不可之議六年監察御史馬周上牋大略如李百藥且謂宜賦以茅土疇其戶邑必有材行隨器方授十一年六月詔荆王元景等二十一王爲諸州都督刺史咸令子孫代代承襲非有大故無或黜免其後並不願行廼止後定制皇兄弟皇子爲王皆封國之親王龍朔二年制諸王任職從四品下敘其衆子封郡公從五品上敘貞觀中王珪奏曰三品以上遇親王於塗皆降乘違法中敬有乖儀准太宗曰卿皆自尊而卑吾子乎魏徵曰自古迄今親王班次三公之下今三品者皆天子公卿及八座之長爲王降乘親王府各置官屬九府官非王所宜當也詔從之太子男封郡王其庶姓卿士功業特盛者亦

封郡王自至德元年至大曆三年封異姓之人為王者凡百十二人其次封國公

其次有郡縣開國公侯伯子男之號亦九等並無官

土其加實封者則食其封分食諸郡以租調給自武德至

天寶實封者百餘家自至德二年至大曆三年食實封者二百六十五家九食四萬四千八百有六十戶

十六年置王府官以四考為限嗣聖二年初置公府

官員武后天授二年又置皇孫官員皇姑為大長

公主後亦謂之姊為長公主女為公主皆封國視正

一品太子女為郡主封郡視從一品親王女為縣主

封縣正二品凡諸王及公主皆以親為尊皇之昆弟

妹先拜於皇子上書稱啓神龍初下詔革之開元四

年三月制下詔封諸國自始封至曾孫其封戶三分

減一十年加求穆公主封千戶初求穆等各封五百戶左右云太薄上曰

戰士出萬死不顧一生所賞賜纔不過一二十疋此輩何功於人頓食厚封約之使知儉嗇不亦可乎左

右以長公主皆二千戶請與比上曰吾嘗讀後漢書見明帝曰朕子不敢望先帝子車服下之吾未嘗不

廢卷歎息如何欲令此輩望長公主乎左右不敢復言至是公主等車服殆不給故加焉自後公主皆封

千戶遂凡諸王及公上以下所食封邑皆以課戶充

州縣與國官邑官共執文帳准其戶數收其租調均

為三分其一入官其二入國公所食邑則全給焉二

十年五月勅諸食邑實封並以三丁為限不須一分

入官其物仍令封隨租調送入京親王府置傳一人

師範輔導參議可否初置諮議參軍一人弼政幕府

友一人陪隨左右文學二人修撰文章東西閣祭酒

各一人接引賓客長史司馬各一人通判掾一人通判公曹

屬一人通判兵騎主簿一人覆省記室參軍二人掌

行教命宣錄事參軍一人受事功曹倉曹戶曹兵曹

騎曹法曹士曹等參軍各一人各有參軍二人行參

軍四人掌出使及典籤二人宣傳親事府致典軍副

典軍各二人掌守衛執仗親事執弓刀執乘親事各

十六人供進親事三百三十三人帳內府置典軍副

典軍各三人掌儀衛陪從兼帳內六百六十七人親

王國國令一人大農二人通判尉三人判丞一人監

稽小吏有差若府主薨則諸府佐視事帳內過葬追

退雖無妻子其國官聽終喪若有襲爵者諸公主邑

司有家令丞錄事各一人並隸宗正寺

州郡第十一上

司隸校尉司隸周官也掌五隸之法帥其民而捕盜

從中都官徒千二百二人捕巫蠱督大姦猾後罷其兵

各一人又置司隸察三輔三河弘農七郡元帝初元

四年去節後諸葛豐為司隸又加節尋復去之司隸

去節自豐始也成帝元延四年省綏和二帝哀帝復

置但為司隸除校尉字冠進賢冠屬大司空比司直

司隸掌察皇太子以下行馬內事皆主之專道而行

專席而坐初除皆謁兩府謂丞相御史也後漢復為

通志職官卷四

通志職官卷四

司隸校尉所部河南尹河內右扶風左馮翊京兆尹
河東弘農凡七郡始河南洛陽無所不糾唯不察三
公廷議處九卿上朝賀處公卿下凡司隸屬官有從
事史十二人其都官從事史特為雄劇主察百官之
犯法者魏晉司隸與二漢同司隸於端門外坐在諸
卿上絕席其入殿按本品秩在諸卿下不絕席鍾會
為司隸雖在外司時政損益當世與奪無不畢綜初
以司隸官屬制置如州儀而俗稱司州及晉魏乃以
京輔所部定名置司州以司隸校尉統之及東晉渡
江罷司隸校尉官變其職為揚州刺史後魏比齊為
司州牧後周有司隸下大夫掌五隸及徒者捕盜賊
囚執之事屬大司寇隋初有雍州牧後煬帝置司隸
臺有大夫一人掌諸巡察薛道衡為司隸大夫別駕
二人分察畿內一人按東都一人按京師後又罷司
隸臺而留司隸從事之名不為常員臨時選京官清
明者權攝以行唐無司隸校尉而有京畿採訪使亦
其職也

州牧刺史

黃帝立四監以治萬國唐有九州舜置十
二州有牧夏為九州牧商周八命曰牧秦

置監察御史漢興省之至惠帝三年又遣御史監三
輔郡察詞訟所察之事凡九條監者二歲更之常以
十月奏事十二月還監其後諸州復置監察御史出
帝十三年以御史不奉法下失其職乃遣丞相史出
刺并督監察御史武帝元封元年御史止不復監至
五年乃置部刺史掌奉詔六條察州凡十二州焉居
部九歲舉為守相成帝綏和元年以為刺史位下大
夫而臨二千石輕重不相準乃更為州牧秩真二千
石位次九卿九卿缺以高第補哀帝建武二年復為
刺史元壽二年復為牧後漢光武建武十八年復為
刺史外十二州各一人其州屬司隸校尉漢刺史
乘傳周行郡國無適所治中興所治有定處舊常以
八月巡行所部錄囚徒考殿最歲盡詣京都奏事中
興但因計吏不復自詣京師雖父母之喪不得去職
或謂州府為外臺謝夷吾為荊州刺史第五倫薦之
曰尋功簡能為外臺之表聽察聲實為九伯之冠靈
帝中平五年改刺史唯置牧是時天下方亂豪傑各
欲據有州郡而劉焉劉虞並自九卿出領州牧州牧
之任自此重矣舊制州牧奏二千石長吏不任位者
事皆先下三公三公遣掾史按驗然後黜退光武即

位以來不用舊典時用法明察不復委任三府故權
歸舉刺之吏魏晉為刺史任重者為使持節都督輕
者為持節皆銅印墨綬進賢兩梁冠絳朝服而領兵
者武冠西晉罷司隸置州江左則揚州刺史自魏
以來庶姓為州而無將軍者謂之單車刺史凡單車
刺史加督進一品都督進二品不論持節假節晉制
刺史三年一入奏宋與魏同梁刺史受之明日辭官
廟而行皆持節後魏天賜二年又制諸州置三刺史
皇室一人異姓二人比古之上中下三士也郡置三
太守縣置三令長自後魏比齊則司州曰牧而制上
制州為上中下三等每等又有上中下之差自上
州上下州凡九等後周則雍州曰牧而制上初
除奉辭之口備列鹵簿凡總管刺史則加使持節諸
軍事以此為常及蘇綽為六條之制初文帝乘魏政
令百官誦習其牧守令長非通六條及計帳者不得
居官靜帝大象元年詔總管刺史及行兵者加持節
餘悉罷之隋雍州置牧餘州並置刺史亦同比齊九
等之制總管刺史加使持節至開皇三年罷郡以州
統縣自是刺史之名存而職廢刺史縣令三年一遷
諸有兵處則刺史帶軍事以統之十四年改九等州

縣為上中下凡三等煬帝大業初復罷州置郡為司
隸臺大夫一人巡察畿內其刺史十四人巡察畿外
諸郡亦有六條之制與漢六條不同從事四十人副
刺史巡察每年二月乘輅巡郡縣十月入奏唐武德
元年罷郡置州而雍州置牧至神龍二年二月分天
下為十道置巡察使二十人按以左右臺及外內官五
品以下堅明清勁者為之兼按郡縣再替而代至景
雲二年改置按察使道各一人開元十年省十七年
復置二十二年置按察使道各一人開元十年省十七年
其有戎旅之地即置節度使仍各置印天寶九年三
月勅本置採訪使令舉天下大綱若大小必由是一
人兼理數郡自今已後採訪使但考察善惡舉其大
綱自餘郡縣所有奏請並委郡守不須干及至德之
後改採訪使為觀察并領都團練使其僚屬隨事增
置分天下為四十餘道大者十餘州小者二三州各
因其山川區域為制諸道增減不常員額自天寶以
後因十五事再置使置使置使置使置使置使置使
運司採訪各以其職再建屯田使又使名道置隨
其職事攝置運使司又至開元勅錄令諸道置隨
軍監察御史各守司隸政事又自建中元年定矣

通鑑卷一百一十五

臣謹按漢制刺史以六條問事非條所問即不省
一條疆宗豪右田宅踰制以疆陵弱以衆暴寡一
條二千石不奉詔書遵承典制背公向私旁緣牟
利侵漁百姓聚斂爲姦三條二千石不卹疑獄風
厲殺人怒則任刑喜則任賞煩擾刻暴剝截黎元
爲百姓所疾山崩石裂妖祥訛言四條二千石選
辟不平苟阿所愛蔽賢寵頑五條二千石子弟恃
怙榮勢請託所監六條二千石違公下比阿附豪
彊通行貨賂割損正令又按後周六條之制其略
曰其一先治心心不清淨則思慮妄生見理不明

是以治民之要在於清心而已其二敦教化其三
盡地利其四擢賢良其五卹獄訟其六均賦役

總論州佐

別駕
主簿

治中
功曹書佐

部郡國從事
祭酒從事史

典郡書佐
中正

州之佐吏漢有別駕治中主簿功曹書佐簿曹

史主錢穀簿書兵曹兵曹從事史有軍事部郡國從事史典

郡書佐等官又有孝經師主監試經月令師皆州自

辟除通爲百石又後漢書或秩六百石職與司隸官屬同唯無

都官從事漢魏之際復增祭酒文學從事員晉又有

武猛從事員其州邊遠有山險寇賊歷代職員互相

因襲雖小有更易而大抵不異自魏晉已後刺史多
帶將軍開府則州與府各置僚屬州官理民別駕治中以下
是府官理戎長史司馬等官是後魏舊以州牧親民班九條
之制使前政選吏以待後人獻文帝革制刺史守宰
到官之日仰自舉擇以為選官若簡任失所以罔上
論自孝明孝昌以後四方多難刺史太守皆為當部
都督雖無兵事皆立僚佐頗為煩擾高隆之乃表請
自非實在邊要見有兵馬者悉皆斷之北齊上上州
刺史屬官佐吏合三百九十三人以下州遞減十人
其州即佐吏皆州府辟除及後主失政賜諸佞幸賣

官分州郡下逮鄉官多降中旨故有勅用州主簿郡
功曹者後周刺史府官則命於天朝州刺史並牧守
自置至隋以州為郡無復軍府則州府之吏變為郡
官矣唐無州府之名而有採訪使及節度使節度使說見都
督採訪使有判官二人分判尚書六行事及州縣簿書支使二人分
吏出入職如節推官一人推鞠欲訟皆使自辟召然後上
聞未奉報者稱攝其節度防禦等使寮佐辟奏之例亦如之今舉州之舊
職以列于左舊職謂隋以前州職別駕從事史一人從刺史行部別乘一
乘傳車故謂之別駕漢制也歷代皆有之隋唐並為郡佐
臣謹按庾亮答郭豫書云別駕與舊刺史別乘同

流宣王化於萬里其任居刺史之半

治中從事史一人居中治事主衆曹文書漢制也

主簿一人錄門下衆事省事文書漢制也歷代皆有之

功曹書佐兼錄衆事晉以來改功曹為西曹書佐宋

有別駕西曹主史及選用即漢之功曹書佐也

部郡國從事史每郡國各一人漢制也

典郡書佐每郡國各一人漢制也各主一

祭酒從事史漢魏以來置宋世分掌諸曹兵賊倉戶

簿代也中正陳勝為楚王以朱房為中正而不言職事兩漢

無聞魏司空陳羣以天臺選用不盡人才擇州

臣謹按晉劉毅年七十已告老後舉為青州大中

正尚書以毅致仕不宜勞以碎務孫尹表曰司徒

魏舒司隸嚴詢與毅年齒相近管四十萬戶州兼

董司百僚總攝機要舒所統既廣兼執九品銓十

六州議者不以為劇昔鄭武公年過八十入為司

徒毅志氣聰明一州品第不足勞其思慮毅遂為

州都銓正人流清濁區別其所彈貶自親貴始

都督 總管節度團練都統等使附後漢光武建安魏
武為相始遣大將軍督之而袁紹分沮授所統諸軍
以授郭圖淳于瓊為三都督魏武征孫權還又使夏
侯惇督二十六軍魏文帝黃初三年始置都督諸州
軍事或領刺史又上軍大將軍曹真都督中外諸軍
假黃鉞則總統外內諸軍矣明帝太和四年司馬懿
征蜀加號大都督高貴鄉公正元二年司馬昭都督
中外諸軍尋加大都督及受晉禪則都督諸軍為上
監諸軍次之督諸軍為下使持節為上持節次之假
節為下使持節與使持節同假節唯軍事得殺犯軍令
者及伐吳之役以賈充為使持節假黃鉞大都統
領六師兼給羽葆鼓吹緹幢兵萬人騎二千置左右
司馬長史左右中郎增參軍騎車馬司馬各十人帳
下司馬二十人大車官騎各三十人太康中都督知
軍事刺史治民各用人也惠帝末乃并任非要州則
單為刺史江左以來都督中外尤重唯王導等權重
者乃居之宋氏人臣無居者唯江夏王義恭得假黃
鉞則專戮節將非人臣常器又有都督諸州諸軍事

者則為常職舊曰監某州諸軍事文帝即位改監為
都督後魏有都督中外諸軍永安以後遠近多事置
京畿大都督總攝軍民立府置佐後周改都督諸軍
為總管則總管為都督之任矣又有大都督帥都督
都督至隋三都督並以為散官煬帝改大都督為校
尉帥都督為旅帥都督為隊正按此都督之名微矣
隋文帝以并益荆揚四州置大總管其餘總管府置
於諸州復有總管亦加號使持節煬帝悉罷之唐
諸州總管亦加號使持節刺史持節武德元年
為大總管府七年改隋上大都督為驍騎尉大都督
為飛騎尉帥都督為雲騎尉都督為武騎尉又改大
都督府為大都督府總管府為都督府舊洛州已置
都督府武德四年廢府置大行臺復有行軍大總管
者蓋有征伐則置於征伐所之道以督軍事自武德
以來亦有元帥之號太宗為秦王加西討元帥中宗
為周王為洮河道元帥睿宗為相王為并州道行軍
元帥安祿山反後天寶十五年哥舒翰為諸道行軍
元帥其後李光弼郭子儀復為副元帥太極初并益
荆揚為四大都督府開元十七年加潞州為五焉其

通志載官名

三

通志卷之六
餘都督府並為上中下等上郡都督府五中都督府十三
下都督府十六前後置制改易不常難可備叙凡大
都督府置都督一人掌所管都督諸州城隍兵馬甲
仗食糧鎮戍等親王為之多遙領其任亦多為贈官
長史居府以總其事分天下州縣制為諸道每道置
使治於所部即採訪防禦等使也其邊方有寇戎之
地則加以旌節謂之節度使自景雲二年四月始以
賀拔延嗣為涼州都督充西河節度使其後諸道因
同此號得以軍事專殺行則建節府植六纛外任之
重莫比焉本皆兼度支營田使開元九年十一月勅
其河東河北不須別置並令節度使兼充有副使一
人行軍司馬一人申習法令判官二人分判倉兵騎
胄四曹事副使及行軍司馬通署掌書記一人掌表
奏書檄參謀無員或一人或二人參預謀畫隨軍四
人分使出入開元中凡八節度使磧西河西隴右朔
方河東幽州劍南嶺南是也後更增加兼改名號蓋
古之都督持節江左中郎將近代行軍總管之任
凡將帥出行兵滿萬人以上則置長史司馬倉兵等
曹參軍若萬人以下員數遞減至德以來天下多難
諸道皆聚兵增節度使為二十道其非節度使者謂

之防禦使以採訪使并領之採訪理州縣防禦理軍
事初節度使與採訪各置一人天寶中始一人兼領之
代宗為廣平王時充天下兵馬元帥親總軍旅尅定
禍亂以大臣宿將郭子儀李光弼隨其方面以為副
謂之副元帥以督諸道事及德宗踐阼以雍王為之
王月儲宮而元帥闕乾元中又置都統使監總管諸
道或領三道或領五道皆古方岳牧伯之任也上元
末省都督後又改防禦使為團練守捉使皆主兵事
而無旌節僚屬省減有副使一人掌貳使事判官二
人分判軍事自永泰以來都團練使守捉使皆主兵
事稍有加置而任使則擇之

臣謹按宋武帝起義兵討桓玄既平京口向建鄴
以孟昶為長史總攝後事及討司馬休之伐荊州
以中軍將軍劉道憐監留府事皆留後之任也自
後無代無之不復遍舉

都護漢宣帝地節二年初置西域都護為加官也或
 校尉始以鄭吉為之後廢至後漢永平十七年復置
 班超為西域都護大破焉耆尉黎斬其主自是西域
 降服納質者五十餘國晉宋以後有都護之官亦其
 任也齊書曰廣州西南有二江川源深遠別置都護
 專征討之陳伯超為江西都護沈顛為江南都護唐
 永徽中始於邊方置安東安西安南安北四大都護
 府後又加單于北庭都護府府置都護一人掌所統
 諸蕃征討斥候安輯番人及諸賞罰總判府事副都
 護二人掌二都護事長史司馬各一人參軍事功曹
 倉曹戶曹兵曹法曹參軍各一人參軍事功曹
 州郡第十一下 京兆尹 河南尹 左馬翊 右扶風
 京兆 周官有內史秦因之掌治京師漢景帝二年分
 京兆置左右內史武帝太初元年更名右內史為京
 兆尹絕高曰京十億曰兆大衆所聚故曰京兆更名
 左內史為右馬翊馮翊佐也秦官有主爵中尉掌
 列侯漢景帝中元六年更名都尉武帝太初元年更
 名右扶風扶風扶助風化也與左馬翊京兆尹是為三輔

治長安城中三輔黃圖曰長安以東為京兆尹長陵
 以北為左馮翊渭城以西為右扶風皆治在城中故
 趙廣漢曰亂吾治者二輔也誠得兼之直差易耳
 銀章青綬進賢兩梁冠絳朝服佩水蒼玉九州所監
 都為京師置尹一人丞一人漢初三輔治長安後漢
 都雒陽置河南尹一人丞一人漢初三輔治長安後漢
 其秩與太守同後漢左馮翊右扶風屬司隸尋省魏
 晉為京兆太守後漢左馮翊右扶風屬司隸尋省魏
 置尹併佐吏合二百四十四人為唐京兆府本為雍州
 置牧一人以親王為之太宗為秦王中宗為英王睿
 宗為相王時並居牧其任多以太宗為長史治民開元
 雍州為京兆府置牧如故掌宣導風俗肅清所部或
 以親王居閣而遙領焉初雍州置別駕以貳牧守事
 末徽中改別駕為長史開元中改雍州置別駕以貳
 府尹總理眾務凡前代帝王所都皆曰尹南朝曰南
 陽尹後魏初曰代尹東魏曰魏尹齊曰清都尹河南
 尹其地在周為王城成王命君陳分正東郊成周曰
 尹茲東郊蓋今河南牧之任亦留守之始也秦兼天
 下置三川太守三川河南牧之任亦留守之始也秦兼天
 後增守為太守王莽改太守為大尹改河南大尹為

保忠信卿光武中興徙都洛陽改太守為尹章綬服
秩與京兆尹同特奉朝請魏晉皆為河南尹後魏太
和中遷都洛陽又置河南尹東魏置洛州刺史後周
置洛州總管尋罷之隋初為洛州刺史後為河南內
史大業初為荊州刺史又為河南太守後為河南
尹與京兆同唐武德四年置東都改州刺史為長
改為刺史顯慶二年置東都改州刺史為長觀十七
置牧一人以親王為之至開元時及衛王重俊
並居其任多以長史治民至開元時及衛王重俊
南府改長史為尹其治民之制一如京兆諸曹為
亦如之各有少尹二員通判府事按京兆少尹魏
以治中任隋文帝改為司馬煬帝又改為贊治
後又改為司馬煬帝又改為贊治
帝諱改為司馬煬帝又改為贊治
馬一員分為左右開元極元年雍州各加司
增置太原府為北平屬制置悉同兩京初廢
長壽元年以并州后高祖起義之始復置太原府
元十一年開元正月於蒲州置中府為鳳翔府
中府至六月而罷後上元元年復置中府為鳳翔府

又益州為成都府留守周之君陳則其任也此後
無聞後漢和帝南巡祠園廟張禹以太尉兼衛留守
晉張方劫惠帝幸長安僕射荀藩等與劉裕置
陽為留臺承制行事號東西臺至安帝時劉裕置
臺具百官又後魏孝文師加持節留守此始也
廣陵王羽為留臺承制行事號東西臺至安帝時
郡太守各郡守秦官秦滅諸侯以尉典兵郡置守丞
二年更名各郡守秦官秦滅諸侯以尉典兵郡置守丞
功決訟檢姦常以春行所主縣秋冬遣無害吏進賢
諸囚平其罪法論課殿最并舉廉漢制歲盡遣
計掾史各置一人條上郡內眾事謂之計簿郡為諸
侯王國者置內史以掌太守之任宣帝以簿郡為諸
民之本數變易則下不安民知其將久不可欺固乃
服從其教化每拜刺史守相親見問其所以由退
而考以質其言嘗稱曰與我親見問其所以由退
乎是以漢世良吏於斯為盛稱中興焉成帝二石
年省內史以相治民則或尚書令太守僕射為三公
大尹後漢亦重其任或尚書令太守僕射為三公
離意黃香桓榮胡廣是也或尚書令太守僕射為三公

通志職官卷六

三

第五倫桓虞鮑昱是也三國時有郡守相內史並銀章青
郡守皆加將軍無者為耻晉宋太守相內史並銀章青
綬進賢兩梁冠後魏初郡置三太守中次職令太守石
能靜二郡至三郡者遷為刺史太守和中下凡三
內史相縣令並以上中下之差自北上齊郡至下郡凡九
等每等又有上中下之差自北上齊郡至下郡凡九
齊後周郡太守各以戶多寡定品命郡太守如北
希上表曰當今郡縣倍多於古十羊九牧人少官多
請存要去閑併小為大帝嘉之遂罷諸郡大業三年
又改州為郡郡置太守唐武德元年改郡為州改太
守為刺史加郡號持節後加號為持節諸軍事而實無
節但領銅魚符而巳天寶元年加州為一郡刺史為太
守自是親民之任疏督守之名其實則一也太宗初理
天下重書其下是以州郡無不率理遠貞觀之末升
善惡必羣士多慕省閣不樂外任其折衝果毅有才
平既先入為中郎郎將以補郡守其輕也如是武后
力者拱二年諸州都督刺史宜准京官帶魚長安四年
垂拱二年諸州都督刺史宜准京官帶魚長安四年
納言李嶠同平章事唐休璟奏曰切以物議重內官

而輕外職凡所出守多因貶累非所以澄風俗安萬
民臣請擇材於臺閣省事之中分典大州共康庶政
臣等請輟近侍率先具寮太后乃令書名採之中者
當行於是鳳閣侍郎韋嗣立御史大夫楊再思二十
人中皆以本官檢校刺史後二十人中政績可稱
者獨常州刺史薛光謙徐州刺史馬鍾二人而已
當特復有為員外刺史者不領州務開元中定天下
州府白京師都督及都護府之外以近畿之州同華
岐蒲為四輔鄭陝汴絳懷魏為六雄宋亳滑許汝晉
洛號衛相十州為十望又有十緊州後入緊者甚多
不復具列及有上中下之差都督刺史品早者借緋
魚按武德令三萬戶以上為上州三月勅太平時戶口
上為四州開元十八年三月勅太平時戶口日盛
宜以四萬戶以上為上州三月勅太平時戶口日盛
二萬戶以上為中州亦有不滿戶口以別勅為上州者六
千戶以上為中州亦有不滿戶口以別勅為上州者六
為下縣天寶中通計天下九州總三百二十七州是也
自至德之後州縣凋弊刺史之任大為精選諸州始
各有兵鎮者刺史皆加團練使故其所責任重矣始

通鑑卷之...

...

臣謹按漢文帝二年初與郡守為銅虎符竹使符
 至隋開皇七年又別頒青龍符於東方總管刺史
 西方以騶虞南方朱雀北方玄武九年又頒木魚
 符於總管刺史雌一雄三至十年悉頒木魚於五
 品以上官義寧二年罷竹使符頒銀菟符於諸郡
 唐武德元年又改銀菟符為銅魚符

郡之佐吏秦漢有丞尉員外以佐守尉典武職後漢

總論郡佐	郡丞	別駕	長史	司馬
	錄事	參軍	司功	司倉
	司戶	司兵	司法	司士
	參軍	博士	醫博士	
	中正	通守	五官掾	
	督郵	郡尉	縣令	

諸郡各置諸曹掾史略如公府曹無東西曹晉宋以
 來雖官曹名品互有異同大抵略如漢制比齊上郡
 太守屬官合二百一十二人以下郡遞減之隋初以
 州為郡無復軍府則州府之職參為郡官故有長史
 司馬錄事參軍功戶兵法等七曹開皇三年詔佐官
 以曹為名者並改為司十二年諸州司從事為名者
 並改為參軍又制刺史二佐每歲暮更入朝上考課
 煬帝置通守贊持東西曹掾主簿司功倉戶兵法士
 等書佐各因郡之大小而為增減改行參軍為行書
 佐唐州府佐吏與隋制同有別駕長史司馬一人

督府有司馬左右二員九別
駕長史司馬通謂之上佐

錄事參軍京府謂之司錄參軍置二人其餘並各為錄事參軍大都督府亦有二人其餘郡止各

司功司倉司戶司兵司法司士等六參軍景龍三年諸州加置

司田開元中省乾元之後又分司戶置參軍一員位在司戶下諸府則曰田曹開元中省乾元之後又分

置司戶馬以其廢置不常故田曹不列在府為曹在州為司府曰功曹

司倉大與上府置二員州置一員通謂之判司參軍

事各有差京府參軍事有六員博士一員醫博士一員

員凡以州府大小而為增減

郡丞秦置之以佐守漢因而不改晉成帝咸康七年省諸郡丞唯丹陽丞不省宋文帝元嘉四年復

置齊梁有之至隋開皇三年改別駕治中為長史司馬至煬帝又罷長史司馬又置贊治者一人後又改

郡贊治為丞位在通守下及郡丞廢其職分為別駕長史司馬自隋為郡府之官去從事史唐永徽二年

改為長史上元元年復置別駕多以皇族為之神龍中廢至開元初復置始通用庶姓天寶八年以明皇

由潞州別駕入定內難遂登大位乃廢別駕官至德中復置諸州府各一人而大都督府不置通判其事

以都督刺史各兼之共職其事

長史秦置郡丞其郡當邊戍者丞為長史掌兵馬漢

事後罷邊郡太守丞而長史領丞職其後長史遂為軍府官至隋為郡官唐初無丞職二年有別駕刺史

及長史之名其後二職並置州府各一人五府長史理府事餘通判而已

司馬本主武之官自魏晉以後刺史多帶將軍開府

馬銅印墨綬絳朝服武冠至隋廢州府之任無復司馬而有治中焉治中乃舊州之職也州廢遂為郡官

開皇三年改治中為司馬煬帝又改司馬及長史併置贊治一人尋又改贊治為郡丞唐武德初復為治中貞觀二十三年高宗即位遂改諸州治中並為司馬長安元年洛雍并荆揚益六州置左右司馬各一員四年復舊太極元年又制大都督府各置左右司馬一員

錄事參軍

晉置本為公府官非州郡職也掌總錄衆曹文簿舉彈善惡後代刺史有軍而開府

者並置之自後漢有郡主簿官職與州主簿官同隋初以錄事參軍為郡官則并州郡主簿之職矣煬帝又置主簿唐武德元年復為錄事參軍開元中改京兆尹屬官曰司錄參軍掌府事勾稽省署抄目糾彈部內非違監印給紙筆之事乾元元年加進一品仍升一資又置尹司凡縣令及判司與錄事及州郡別置司功曹參異禮尊其任也

司功參軍

兩漢有功曹史王選署功勞歷代皆同北齊諸州有功曹參軍隋亦然及罷郡置州

以曹為名者皆改曰司功參軍開元初京尹屬官及諸州都書佐唐改曰司功參軍

督府並曰功曹參軍而列郡則曰司功參軍令掌管園廟祭祀及學校禮樂選舉表疏醫筮考課及喪葬之事

司倉參軍

兩漢有倉曹史掌倉庫比齊以下並同功曹唐亦掌倉廩庖厨及財物等廛市之價

一切之事

司戶參軍

漢魏以下有戶曹掾主民戶比齊以下與功曹同唐掌戶口籍帳婚嫁田宅并雜徭

道路一切之事

司兵參軍

漢司隸屬官有兵曹從事史蓋有軍事則置之以主兵事至北齊以後同功曹唐掌

軍防烽火驛馬傳送門禁田獵及儀仗之雜事

司法參軍

兩漢有決曹賊曹掾主刑法歷代皆有或謂之賊曹或謂法曹或謂墨曹隋以後與

功曹同唐掌律令定罪及緝盜賊之事

司士參軍

兩漢無聞北齊以後與功曹同唐

參軍事

張後漢靈帝時陶謙以幽州刺史參司空車騎

隋置州為郡又有郡官為之書佐唐改為參軍掌直

侍督守無常職有則出使前代又有行參軍者晉

歷代皆有

河間王顥以太宰輔政始置之掌使命

經學博士

漢郡國皆有文學掾後漢光武問功臣曰

曰臣少嘗學問可充郡文學歷代多闕

醫博士

唐開元十一年七月置測每州寫本草

濟方五卷頒行天下貞元十二年二月御撰黃利方

五卷頒行天下自今後諸州府應闕醫博士宜令長史

各自訪求選試取人藝業優長堪效者即以具名申

聞請行已出身人及有前資官與正授未出身人宜

正授吏部更不須選集

中正

魏置晉諸中正率一國所推臺閣取信後魏孝

他史多闕隋初有後罷而有州郡唐並無此官每歲

貢士於所在之處又符書所闕及鄉飲酒之禮則司

功參軍

通守

隋煬帝置郡各一人位次太守

五官掾

後漢有之主功曹

督郵

漢有之掌監屬縣各有東西南北中部

臣謹按漢尹翁歸為河東督郵時太守田延年分

河東二十八縣為兩部閔孺部汾北翁歸部汾南

舉法皆得其罪屬縣長吏雖中傷莫有怨者又有

孫寶為京兆尹以立秋日用故吏侯文為東部督
郵勅之曰今日鷹隼始擊當順天氣取姦惡以成
嚴冬之誅

郡尉京輔屬國等郡尉附秦官有郡尉掌佐守典武
賊景帝更名曰都尉武帝元鼎四年又置三輔都尉
各二員議出入邊境置農都尉主屯田殖穀又置屬
國都尉主蠻夷降者中興建武七年省諸郡尉并諸
太守每有劇賊郡臨時置都尉事訖罷又省關都尉
唯邊郡往往置都尉及屬國都尉宋志曰光武省郡
尉後帝往往置都尉西北四郡尉稍有分縣治民比
郡安帝以西羌盛三輔有陵園之守乃復置右扶風
都尉於雍京兆虎牙都尉於長安自後無聞至隋煬
帝時別置都尉領兵與郡不相知又京
輔都尉立府於潼關主兵鎮唐無其制
縣令周官有縣正各掌其縣之政令而賞罰之春秋
縣令時列國相滅多以其地為縣縣大而郡小故傳

云上大夫受縣下大夫受郡又周書作維藩曰千里
百縣縣有四郡縣邑之長晉謂之大夫魯衛謂之宰
楚謂之公謂之尹其職一也至于戰國則郡大而縣
小矣故耳茂謂秦武王曰宜陽大縣名曰縣其實郡
也漢制列侯所食縣曰國皇太后公主所食曰邑有
蠻夷曰道九縣所食萬戶以上為令減萬戶為長侯國為
相秩次亦如之皆秦制也漢因之漢書曰九縣大率
方百里民稠則減稀則曠成帝綏和元年長相墨綬
哀帝建平二年復黃綬秋冬集課上計於所屬郡國
其郡有鹽官鐵官工官都水官者隨事廣狹置令長
及丞秩次皆如縣道無分上給均吏後漢九郡縣出
鹽多者置鹽官主鹽稅出鐵多者置鐵官主鼓鑄有
工多者置工官主稅物有水池及魚利多者置水官
主平水收魚稅所在諸縣均差吏更給之補吏隨事
不具縣員晉制大縣令有治績官報以大郡不經宰
縣不得入為臺郎宋諸縣令銅印墨綬進賢兩梁冠
自晉宋以後令長一國相皆如漢制後魏縣置三令長
孝文初制縣令靜一縣劫盜者兼理二縣即食其祿
能靜二縣者兼理三縣亦如之三年遷為刺史太和
二郡者兼理至三郡亦如之三年遷為刺史太和

次職令其祿甚厚故孝文以北平府長史裴華中書
侍郎崔亮並清貧欲以俸祿優之乃以亮帶野王令
華帶溫縣令時人榮之其後令長用人益雜但選勤
舊令史為之而縉紳之流耻居其位北齊制縣為上
中下三等復於每等又有上中下之差自上下縣至
下縣之元文遙然猶因循後魏用人監雜至於土流
耻居之元文遙然猶因循後魏用人監雜至於土流
曹子弟恐其辭訴總召集神武門宣旨慰諭而遣自
此縣令始以士人為之隋縣有令有長煬帝以大興
長安河南洛陽四縣令並增正五品諸縣皆以所管
開劇及衝要之處以為等級唐縣有赤畿望緊上中
下六等之差京都所治為赤畿京之旁邑為畿縣其
餘則以戶口多少之資地美惡為差九六赤八十二
畿七十八望百一十一緊四百四十六上二百九十
六中五百五十四下
一千五百七十三縣

總論縣佐

丞 主簿
尉 五百附

漢縣有丞尉及諸曹掾後漢縣諸曹略如郡員又五

官為廷掾監鄉五部春夏為勸農掾秋冬為制度掾
晉縣有主簿功曹廷掾法曹金倉賊曹掾兵曹賊捕
掾等員煬帝改尉為縣正尋改正為戶曹法曹分司
以丞郡之六司其京四縣則加置功曹為三司司各
二人唐縣有令而置七司一如郡制丞為副貳如州上佐
主簿上轄加錄事參軍其曹謂之錄事
判如州錄事省受符歷佐史行其簿書
臣謹按漢縣丞尉及諸曹掾多以本郡人為之三
輔則兼用他郡及隋氏革選盡用他郡人又按後
漢外黃令牛述禮請爰延為廷掾范甯為功曹濮

陽潛為主簿常共言談而已

丞

漢諸縣皆有兼主刑獄囚徒後漢令長國相各置丞一人主文書典倉獄署諸曹掾史凡諸縣丞皆

銅印黃綬進賢一梁冠自晉已後並無丞宋時唯建康府有獄丞及至隋唐則縣各有丞丞各一人兼通判縣事有赤縣

各置丞二人

主簿

漢晉各有之他史多闕唐赤縣置二人他縣各一人掌付事勾稽省署抄目糾正縣內非違監

印及給紙之用

臣謹按主簿自漢以來皆令長自調用至隋始自

上置又按後漢繆彤仕縣為主簿時縣令被章見

考吏皆畏懼自誣而彤獨證據掠考苦毒至乃體

生蟲蛆因轉換五獄踰涉四年令卒以自免又寧

陽王簿詰闕訴其縣令之狂積六七歲不省乃復

此書曰臣為陛下子陛下為臣父臣章百上終不

見省臣豈可北詣單于以告冤乎帝大怒劾以大

逆虞詡駁之曰主簿所訟乃君父之怨百上不達

是有司之過

尉漢諸縣皆有之長安有四尉分為左右部後漢令尉長國相亦皆有尉大縣二人小縣一人主追捕盜

賊按察姦宄署諸曹掾史邊縣有郭塞尉掌禁備羌夷犯塞洛陽有四尉東南西北四部曹公為比部尉

是也魏因之晉洛陽建康皆置六部尉宋齊梁陳並因之餘縣如漢制諸縣道尉銅印黃綬朝服武冠江

左止單衣介幘比齊郡縣置三尉隋改為正後置尉又分為戶曹法曹唐初因隋制武德中復改為正七

年三月復改為尉赤縣置六員他縣各有差分判諸司事上縣二員萬戶以上者又增一員中縣一員各

以四千戶以上者又增置一員亦以上上縣五百宋志
中謂官府州郡都各置五百又革曜曰五百字本為
伍伯伍當也伯道也使之導引當道陌中以驅除也
今州縣官有雜職者掌行鞭撻每官
出則執楚導引呵闢行路殆其職也

鄉官

周禮有鄉師鄉老卿大夫之職其任大矣鄉大夫管

百家次有州長二千五百黨正五百族師百家閭

皆不命之胥二十五鄙師五鄴鄴長四里里宰五鄰鄰長五家

皆不命之士為之皆鄉里之官也大凡各掌其鄉黨州里之

政治云秦制十里一亭亭有長十亭一鄉鄉有三老

有秩嗇夫游徼三老掌教化嗇夫職聽訟收賦稅游

徼循禁盜賊漢鄉亭及官皆依秦制也縣大率方百

里其人稠則減稀則曠鄉亭亦如之高后元年初置

孝悌力田二千石者一人特置孝悌力田官以尊其

本後廢至文帝十二年又置三老及孝悌力田無常

員平帝又置外史閭師後漢鄉官與漢同有秩郡所

置秩百石鄉戶五千掌一鄉人其鄉小者縣置嗇夫

一人爰延為鄉嗇夫仁化大行皆主知民善惡為役

先後知民貧富為賦多少平其差品三老掌教化凡

有孝子順孫貞女義婦推財救患及學士為民式者

皆扁表其門以興善行又有鄉佐屬鄉亭有亭長十

一亭五里一郵郵間相去二里半司姦盜亭持二尺板以効賊素繩以收執賊亭吏舊各負弩後改為長或爲主禁盜賊亭先賢傳曰逢萌爲縣亭長時尉行過亭負主禁盜賊亭萌候迎謂拜既而擲盾歎曰大丈夫安能爲人役哉遂去之至王莽時逢萌解冠掛於東都門而遁里有里魁民可什伍里魁主一里百家什主十家伍主五家以相檢察民有善惡以告監官晉縣五百戶以上皆置一鄉三千戶以上置二鄉五千戶以上置三鄉萬戶以上置四鄉鄉置嗇夫一人縣率百里戶置里吏一人其土廣人稀聽隨宜置里吏限不得減五十戶千以上置校官掾一人縣皆置方略吏四人宋五家爲伍伍長主之二伍爲什什長主之什十爲里里魁主之十

里爲亭亭長主之十亭爲鄉鄉有鄉佐三老有秩嗇夫游徼各一人所職與秦漢同隋以周齊郡縣職自州都郡正縣正以下皆州郡將縣令而自調用理時事至開皇初不知時事直謂之鄉官官別置品皆吏部除受每歲考殿最開皇十五年罷州縣鄉官唐凡百戶爲一里里置正一人五里爲一鄉鄉置耆老一人以耆年平謹者縣補之亦曰父老貞觀九年每鄉置長一人佐二人至十五年省太極元年初令老人年九十以上版授下州刺史朱衣執象笏八十以上版授上州司馬綠衣執木笏天寶七年詔父老六十

版授本縣丞七十以上授縣令三十里置一驛其非通途

大路則驛各有將以州里富彊之家主之以待行李

自至德之後民貧不堪命遂以官司掌驛平休令掌

馬凡天下水陸驛一千五百八十七處

入心營平對首總林之衣曰父家貞贖六年

百八十里置置五一人五里置一役驛置書

將制受其意夫與雖開皇十五平置以驛官或

地至開皇時不賦却事直隨之驛官置品書

賦亦據五級五又不皆依驛殊熟今而自國用

夫於驛各一人河州置驛同制以國資驛驛

職官略第六

職官略第七

文散官

開府儀同三司

漢文帝元年始用宋昌為衛將軍位亞三司後漢章帝建初三年始使車騎將軍馬防班同三司同三司之名自此始也殤帝延平元年以鄧騭為車騎將軍儀同三司儀同之名自此始也魏黃權以車騎將軍開府儀同三司開府之名自此始也齊開府儀同三司如公梁開府儀同位次三公諸將軍左右光祿大夫優者則加之同三公置官屬自晉以來又有加開

通志職官略七
府如儀同三司之名者自羊祜始焉江左多有之後
魏普泰初特以爾朱世隆為儀同三司位次上公北
齊亦有儀同三司者後周建德四年改開府儀同三
司為儀同大將軍仍增置上開府儀同大將軍又改
儀同三司為儀同大將軍仍增置上儀同大將軍隋
文帝並以為散官又諸衛各置開府府置開府一人
又有儀同府儀同以下置員與開府同初開府儀同
三司為四品散實官至煬帝又改為從一品同漢魏
之制位次三公唐武德七年改上開府儀同三司為
上輕車都尉開府儀同三司為輕車都尉儀同三司

為騎都尉後又以開府儀同三司為文散官開元以
前舊例開府特進雖不帶職事皆給俸祿得與朝會
班列依本品之次皆崇官盛德罷劇就閑者居之天寶
六載正月制內外文武以上五品官以上
父祖資蔭者其所用宜同子孫用蔭之例

特進

漢制諸侯功德優盛朝廷所欽異者賜位特進位在
三公下故成都侯王商以特進領城門兵置幕府得
舉吏如將軍是也後漢皇后父兄率為特進侯朝會
位次三公隋志曰特進舊位從公光武以鄧禹列侯
就第特進奉朝請是特進引見之稱無定
官之而竇篤進位特進得舉吏見禮依三公自二漢
實也

及魏晉以爲加官從本官車服無吏卒太僕羊琇遜位拜特進加散騎常侍無餘官故給吏卒車服其餘加特進者唯食其祿賜列其班位而已晉惠帝元康中定令特進位次諸公在開府驃騎上冠進賢兩梁冠黑介幘五時朝服佩水蒼玉食俸日四斛太康二年始賜春絹五十疋秋絹百五十疋綿百五十斤元康元年給采田八頃田騶八人立夏後不及田者食俸一年置主簿功曹吏門亭長門下書佐各一人給安車黑耳駕馭一人乘輜車施耳後戶一乘無章綬齊時班位從公陳因之後魏北齊用人皆以舊德就閑居者居之隋文帝以爲散官不理事煬帝即位廢特進官唐改爲文散官

光祿大夫以下

秦時光祿勳屬官有中大夫漢武帝太初元年更名光祿大夫銀章青綬掌議論屬光祿勳門外特施行馬以旌別之無常事唯顧問應對詔命所使無員後漢光祿大夫三人凡諸國嗣王之喪則掌弔問多以爲拜假贈贈之使及監護喪事魏氏以來無員轉優重不復以爲使命之官其諸公告老者皆家拜此位及在朝顯職復用加之魏文帝以楊彪爲光祿大夫賜几杖衣服因朝會引見令彪着布單衣鹿皮冠杖而入待以賓客之禮及晉受命置左右光祿大夫假金章紫綬而光祿大夫如故着進賢兩梁冠黑介

續五時朝服佩水蒼玉弁祿賜班位吏卒皆與特進同復以為優崇之制而諸公遜位不復加之其以為加官者唯假章綬祿賜班位而已不別給車服吏卒也或更拜上公或以本封食公祿其諸卿尹中朝大官年老致仕者及內外之職加此者前後甚眾由是或因得開府或進加金章紫綬又復以為禮贈官其假銀章青綬者位在金紫將軍下諸卿上泰始中唯太子詹事楊珧加給事中光祿大夫加兵之制諸所供給依三品將軍晉宣帝子平原王幹拜光祿大夫加侍中以特進假金章紫綬章服班次其餘皆如舊制終於武惠孝懷三世秩食俸日三司

二年給春絹五十疋秋絹百疋綿百斤至惠帝元康元年始給采田六頃田騶六人又置主簿功曹門史亭長等及門下書佐各一人宋氏因之齊左右光祿大夫皆據舊制位從公開府置佐吏如公年重加親信二十人魏晉以來無有定員以左右光祿大夫光祿三大夫皆銀章青綬其重者詔加金章紫綬則謂之金紫光祿大夫樂安任遐為光祿卿就王晏乞一片金晏乃啓轉為金紫是也猶屬光祿勳梁又有左右金紫光祿大夫視吏部尚書左右光祿大夫視諸曹並養老病陳因之自晉以後多為兼官後魏有光祿大夫金紫銀青光祿大夫北齊皆以舊德就閑者居之與特進

通志卷之七

同後周有左右金紫左右銀青四光祿大夫隋有光祿大夫左右光祿大夫皆為散官不理事唐初猶有左右之名貞觀以後唯曰光祿大夫金紫光祿銀青光祿並為文散官及銀章青綬並尊之合在光祿之上後魏定令遂因仍不改正正議大夫通議大夫皆隋置散官蓋取秦大夫掌論議之義唐並因之太中大夫秦官亦掌論議漢因之後漢置二十人後漢張堪拜太中大夫居中東門候舍故人號為中東門君又隗囂廣置職位以自尊高鄭興止之曰夫太中大夫使持節官皆王者之器非人臣所當制也胡廣云諫議光祿中大夫及中散大夫此四等者於古禮皆為天子之下大夫列國之上卿也魏以來無員晉視中丞吏部絳朝服進賢一梁冠介

幘秦始末詔除玉覽為太中大夫祿賜與卿同梁北齊皆有唐亦有之中大夫秦官漢武改為光祿大夫自後無聞北齊有之唐又置之龍朔二年七月制諸王承嫡封郡王者出身從四品下叙中散大夫王莽所置後漢因之置三十人漢品下叙中散大夫王莽所置後漢因之置三十人官儀曰光武中興置魏晉無員齊梁視黃門侍郎品服冠幘與太中同陳亦有之唐又置朝議大夫隋置散官以取漢諸大夫得上奉朝議為名唐因之朝請大夫隋置散官取漢將軍公卿年高德重者以列侯就第特進奉朝請之義唐因之龍朔制諸王衆子封郡公者出身從五品上叙朝散大夫隋置散官唐因之自王議以下並為文散官朝議

郎承議郎並隋置散官唐因之顯慶五年八月制郡公出身正六品下叙

通議郎隋置散官隋文帝於吏部別置朝議通議朝

郎武騎屯騎驍騎游騎飛騎旅騎雲騎羽騎八尉其

品則正六品以下從九品以上皆為郎下皆為尉

散官番直常出使監唐改通議為奉議郎顯慶制縣

六品上叙隋置通直郎三十人蓋採晉宋以來諸官皆有

通直謂官高下而通為宿直者也因此為名唐因之

朝請郎隋置散官蓋採晉宋齊梁陳並有奉朝請員

為名唐因之顯慶制侯出身宣德郎朝散郎並隋置

散官唐因之顯慶制伯出身正七品下游騎尉隋置

散官唐改為宣義郎蓋取梁宣義將軍之名顯慶制

從七品承事郎承奉郎並隋置散官唐因之承務郎

蓋因隋尚書省二十四司承務郎之名也儒林郎隋

置散官蓋取前史儒林傳之義唐因之登仕郎唐置

文林郎隋置散官蓋取北齊文林館召徵文學之士

以充之義唐因之將仕郎隋置散官唐因之自朝議

郎以下並為文散官其散官自五品依本品衣服而

衣執笏於尚書省分番上下兩番以上即便隨番許

練之時務者始得參選武德令職事高者解散官欠

一階不至者為兼職事早者不解散官貞觀十一年

改令以職事高者為守職事早者為行其欠一階依

舊為兼與當階者皆解散官階相當無行無守其

子孫用廢皆依其後散官類例紛錯難可悉舉乾封

元年正月制內外官九品以下加一階七品以上加

二階八品以下更加勲轉乾封以來未有泛階應入

三品皆以恩舊特拜入五品多因進叙計借至朝散大夫以上奏取進止每年量多少進叙餘依本品授官若滿三計至即一切聽入乾封以後始有由泛階入五品三品

武散官

驃騎將軍

漢武帝元狩二年始用霍去病為驃騎將軍定令令驃騎將軍祿秩與大將軍等光武中興以耿丹為驃騎大將軍位在三公下明帝初即位以弟東平王蒼有賢才以為驃騎將軍以王故位在公上蒼為驃騎閣延英雄及蒼歸國有驃騎時吏丁牧周相以芬敬賢下七不忍去之遂為王家大夫數十年事祖及孫後帝又間數年復罷魏晉位有之梁雜號中亦有陳褒衣之

後主以蕭摩訶為侍中驃騎大將軍加左光祿大夫特開黃閣施行馬聽事寢堂置鷓尾如三公制後魏初加大則在三司上太和中制加大則在都督中外諸軍之下後周亦有之隋開皇中置驃騎將軍府每府置驃騎將軍車騎將軍各二人十七年頒銅獸符於驃騎車騎府煬帝改驃騎將軍為鷹揚郎將改車騎為鷹揚副郎將唐復改為車騎驃騎其制如開皇而復益微矣故武德元年詔以軍頭為驃騎將軍軍副為車騎將軍又詔太子諸率府各置驃騎將軍五員車騎將軍一十員後皆省之顯慶元年仍置復以驃騎將軍大將軍為武散官

輔國將軍

後漢獻帝置輔國將軍以伏完為之晉王濬平吳後拜輔國大將軍有司奏輔國依比未為達官不置司馬不給官騎詔依征鎮給大車增兵五百人為輔國營親騎百人官騎十人置司馬宋明帝太始四年改為輔師將軍後廢帝元徽二年復故梁後魏後周隋並有之唐輔國大將軍為武散官

鎮軍將軍以下

鎮軍大將軍魏置文帝以陳羣為之晉則楊駿胡奮並領鎮軍將軍齊後周隋亦有之唐因之冠軍將軍

魏置以文欽為之此因史記楚義帝以宋義為卿子冠軍漢武帝以霍去病功冠三軍封冠軍侯之義也晉亦有之金章紫綬給五時服武冠佩水蒼玉歷代

並有

隋文帝置翊軍等四十三號將軍品九十六等為散號將軍以加汎授居曹有職務者為執事官無職務者為散官武官以上柱國以下為散實官將軍各為散號官至煬帝時定令罷之唐因

之雲麾將軍梁置雜號陳及唐並有之忠武將軍壯武將軍梁置雜號陳有之唐因之宣威將軍唐置明威將軍梁置雜號後魏亦有之唐因之定遠將軍梁置雜號唐因之寧遠將軍晉置唐因之游騎將軍魏置陳有之唐因之游擊將軍漢武帝置以蘇建韓說

為之後漢鄧晨亦為之晉及陳並有之唐因之又置
懷化大將軍歸德將軍以授蕃官

諸校尉

漢武帝初置中壘屯騎步兵越騎長水胡騎射聲虎
賁等校尉為八校各有司馬後漢以屯騎越騎步兵
長水射聲為五校皆掌宿衛兵祭質漢儀曰五營司
馬見校尉執版不拜
並屬北軍中候時五校官顯職閑而府寺寬敞輿服
光麗伎巧必給故多以皇族肺腑居之至靈帝又置
西園八校尉其名上軍中軍下軍典軍助
軍佐軍以及左右二校尉自魏晉以
下五校之名與後漢同唯後魏五校各置二十人中

壘校尉

漢掌北軍營壘門內又外掌西域後漢

屯騎

校尉

漢掌騎士後漢初改為

步兵校尉

漢掌上林苑

籍聞步兵騎營人善釀有貯酒三百
斛乃求為之又至隋時列屬鷹揚府
內附以為騎也後漢初改為青中
右校尉至建武十五年復如舊制
胡騎宣曲觀名胡騎之屯宜曲者宋志引韋昭曰長
水校尉典胡騎廐近長安水亭之左故以為名又為
宜曲之稱長水蓋關中
小水名也又主烏桓騎
陽後漢射聲校尉漢掌待詔射聲
并長水聞聲射則中因以名也
而射故曰虎賁校尉漢掌輕車至
待詔射聲城門校尉漢掌京
屯兵凡八屯後漢以掌維揚城門十二所
若周禮司門晉于寶注曰如今校尉也
漢武以霍護烏桓校尉漢武帝時烏桓屬漢始於幽
去病為之州部置之擁節監領後漢亦

謂之領烏桓校尉主領烏桓也
胡弁領鮮卑李膺為此官也
丙丁庚辛壬癸皆有正位唯戊巳為各一說戊巳居中所置校尉亦無常居故取戊巳為名
方漢所置校尉亦處護羌校尉
域之中而撫諸國也
改為涼州刺史儒林校尉
蜀先主以之南蠻校尉
中改為荆州刺史及江左初省尋又置於江陵齊書曰齊宋之際刺史多不領南蠻別以重人居之唯齊豫章郡主疑為南蠻校尉
又改為荆襄二州刺史
南夷校尉
晉武帝於寧州鎮蠻西戎校尉
晉武帝於長安置之元康中改為雍州刺史
寧蠻校尉
晉安帝置治襄陽以授魯宗之護三巴校尉
宋置齊建元一年改為刺
武騎尉屯騎尉駟騎尉游騎尉飛騎尉旅騎尉雲騎尉羽騎尉建節尉奮武尉宣惠尉綏德尉懷仁尉

守義尉奉誠尉立信尉都十六尉並隋置以為武散官昭武振威致果翊衛宣節禦侮仁勇倍戎八校尉各有副尉並唐採前代諸校尉以下舊名置自鎮軍將軍以下為武散官次

勳官第十三

上柱國柱國皆楚之寵官楚懷王使柱國昭陽將兵攻齊陳軫問楚國之法破軍殺將者何以貴之昭陽曰其官為上柱國是也
陳勝為王蔡賜為上柱國歷代無聞至後魏孝莊以爾朱榮有翊戴之功拜為柱國大將軍位在丞相上又拜大丞相天柱大將軍增佐吏及榮敗

後天柱及柱國將軍官遂廢至大統中始以宇文泰
為之其後功參佐命聲實俱重者亦居此職自大統
十六年以前任者凡有八人宇文泰元欣李弼獨孤
信趙貴于謹侯莫陳崇
時宇文泰任總百揆督中外軍事元欣以魏氏懿戚
從容禁闥而已其餘六人各督二人將軍凡十二大
將軍當時榮盛莫與為比其稱門閥者咸推八柱國
家其後功臣位至柱國者眾矣咸是散秩無復統御
也後周建德四年增置上柱國大將軍隋置上柱國
柱國以酬勲勞並為散官實不理事唐改為上柱國
及柱國秦有護軍都尉漢因之高帝時以陳平為護

軍中尉盡護諸將然則復以都尉為中尉陳平為護
軍中尉人

譏之曰平受諸將金多
者得善處少者得惡處武帝元符四年以護軍都尉

屬大司馬于時復為都尉矣成帝綏和元年居大
司馬府比司宜也哀

帝元壽元年更名曰司寇平帝元始元年更名護軍

初韓安國以護軍將軍擊匈奴
趙充國以大將軍都尉擊武都漢東京省班固為大

將軍中護軍隸將軍幕府非漢朝列職魏武帝為丞

相以韓浩為護軍史奐為領軍亦非漢官也建安十

二年改護軍為中護軍領軍為中領軍魏初因置護

軍將軍主武官選隸領軍晉世則不隸矣元帝永昌

元年省護軍并領軍明帝太寧二年復置魏晉江右

領護各領營兵江左以來領軍不復別置營總管二
衛驍騎材官諸營護軍猶有別營也周顛庾亮王羲之謝安王彪之
等並為中護軍宋護軍將軍一人掌外軍領護資重者為領
軍將軍護軍將軍資輕者為中領軍護軍其官屬有長史司馬
功曹主簿五官其官受命出征則置參軍齊梁陳並有之北齊護軍府統
四中郎將皆置佐史隋煬帝十二衛每衛置護軍四
人以副將軍將軍無則一人攝尋改護軍為虎賁郎
將唐採前代舊名置上護軍護軍輕車將軍漢武帝
置以公孫賀為之又有輕車校尉梁陳後魏北齊亦
有輕車將軍唐採舊名置上輕車都尉輕車都尉騎

都尉漢武帝置以李陵為之更始初亦有故時謠云
爛羊胃騎都尉晉以後歷代皆有之唐採舊名置上
騎都尉騎都尉驍騎尉飛騎尉雲騎尉武騎尉並隋
置為文散官唐採置之自上柱國以下並為勳官

命婦第十四

凡皇帝嬪妃及太子良娣以下為內命婦公主及王
妃以下為外命婦公主及縣主之制已附見后妃傳
今所載者王公以下之妻耳凡三代之制諸侯之婦
曰夫人大夫曰孺人士曰婦人庶人曰妻公侯有夫
人有世婦有妻有妾邦君之妻君自稱之曰夫人夫

人自稱於天子曰老婦自稱於天子謂畿內諸侯之夫人自稱於諸

侯曰寡小君謂饗來朝諸侯之時自稱於其君曰小童邦人稱

之曰君夫人亦曰君夫人自世婦以下自稱曰婢子

凡婦人無爵從夫之爵坐以夫命之齒爵為夫命也夫為大夫則

以妻為命婦至秦漢婦人始有封君之號公主有邑司之

制唐外命婦之制諸王母妻及妃文武官一品及國

公其非始封者帶三品以上亦同母妻為國夫人三品以上母妻為

郡夫人四品母妻為郡君若勳官二品有封亦同四品五品母妻

為縣君若勳官三品有封者亦同散官同職事若勳官四品有封

母妻為鄉君其母邑號皆加太字視夫子之品若夫子兩

有官及爵或一人有官及爵者皆從高其不因夫子別有邑號者夫人

云某品夫人郡君云某品郡君縣君鄉君准此諸庶子有五

品以上官封者若嫡母在所生之母不得為太妃以

下無者聽之其承重者不合中宗時韋皇后表請諸婦人不因夫

子而加邑號許同見任職事聽子孫用廕門施祭戟

制從之武太后時契丹寇平州刺史鄒保英妻爰氏率城內女子助守賊遂退封為成節夫人

開元八年五月勅准令王妻為妃文武官及國公妻

為夫人母加太字一人有官及爵者聽從高叙但王

者名器殊恩或頒異姓妻合從夫授秩甲令更無別

條率循舊章須依往例自今已後郡嗣及異姓王母

妻並宜准令爲妃貞元六年太常卿崔縱奏諸國王
母未有封號請遵典故爲某國太妃吏部郎中柳冕
等狀稱歷代故事及六典無公主母稱號伏請降於
王母一等命爲太儀各以公主本封加太儀云上從
之

臣謹按如淳曰列侯之妻稱夫人列侯死子復爲
列侯乃得稱太夫人子不爲列侯則不得稱之晉
亦有之羊祜卒二歲而平吳武帝流涕曰羊太傅
之功因以策告祜廟仍依蕭何故事封其夫人夏
侯氏爲萬歲鄉君食邑五千戶又泰始詔太傅壽

光公鄭冲太保朗陵公何曾皆假夫人

世子印綬食本秩三分之一皆如郡公侯比又王
導妻卒贈金章紫綬又虞潭母亦拜爲武昌侯太
夫人加金章紫綬潭立養堂於家王導以下皆就
拜謁

臣又按宋鄱陽侯孟懷玉上母擅拜國夫人有奏
許之御史中丞袁豹以爲婦人從夫之爵懷玉父
導見任大司農其妻不宜從子奏免尚書右僕射
劉柳左丞徐羨之郎何劭之官詔並贖論又按後
周宣帝令内外命婦皆執笏其拜廟及天臺皆俛

伏

禄秩第十五

禄秩

幹力

白直

仗身

庶僕

親事

帳內

執衣

防閣

邑士 士力 門夫等附

周班爵禄之制孟子言其略而王制亦言之矣上至

天子下至庶人之在官者各有差焉漢制禄秩自中

二千石至百石各有等差宣帝又益天下吏百石以

下奉十五至成帝陽朔二年除八百石五百石秩

五百就六百除 五百就四百 綏和二年又益吏三百石以下奉凡吏

比二千石以上年老致仕者三分故禄一以與之終

其身

其時亦有俸錢之差但本史不具文耳故元帝

月九千二百廩食太官又拜為光禄大夫秩二百石俸錢

千石俸錢月萬二千禄賜愈多家室日益富矣 中二

千石 月俸百 二千石 百二 比二千石 百 千石 八十六

百石 七十 四百石 五十 比四百石 四十 三百石 四十

比三百石 三十五 二百石 三十 比二百石 二十 百石 十六

解 自四百石至二百石為長吏百石以下有斗食佐

史之秩 顏師古曰漢官名秩簿云斗食月俸一斛

蒲百石計日而食日一 是為小吏 本史王莽詔曰自

斗二升故謂之斗食也 公卿以下一月之 禄十斛 繆布二疋帛一疋子每念之令俸禄一歲六

十斛稍以差增上至四輔而為萬斛孟康曰繆八

縷也舊禄及穀粟及布帛又至上 後漢大將軍三

增為三分之一舊令再從月俸增之

公俸月三百五十斛風俗通曰漢制三公一歲共食萬石按此則有出蓋舉大數也

至建武二十六年增百官俸其千石以上減於西京

舊制六百石以下增於舊秩本史末初四年又減百官及州縣奉各有差

凡諸受俸皆取半錢穀延平中定制中二千石月俸錢九

千米七真二千石錢六千五百比二千石錢五千

千石錢四千六百石錢三千五百四百石錢二千

十五錢二千二百石錢一千一百石錢八

凡中二千石丞比千石真二千石丞長史六百

石比二千石丞比六百石令相千石者丞尉皆四百

石其六百石者丞尉皆三百石長相四百石及三百

石者丞尉皆二百石諸侯公主家丞秩皆比三百石

諸邊障塞尉諸陵校尉長皆二百石有常例者不署

秩本志大將軍三公臘賜錢各二十萬牛肉二百斤

粳米二百石特進侯以下各有差立春之日遣使者賜文官司

徒司空帛三十疋九卿十五疋武官太尉大將軍各

六十疋執金吾諸校尉各三十疋武官倍文官漢官儀

獻帝建安八年頒賜三公以下金帛由是三年一賜

以為常制本史宋氏以來州郡秩俸及雜供給多隨土

所出無有定准其郡縣田祿以芒種為斷前去官者

則一年秩祿皆入前人此後去者悉入後人元嘉末

又改此制計月分祿武帝初即位制九中二齊氏衆
 官有僮幹之役而不詳其制幹者若門梁武帝天監
 元年定九品令帝於品下注一品秩為萬石第二第
 三品為中二千石第四第五品為二千石及侯景之
 亂國用常補京官文武月得廩食多遙帶一郡縣官
 而取其祿秩焉北齊官秩一品每歲八百疋二百疋
 從一品七百疋一百七十五二品六百疋一百五十
 從二品五百疋一百二十五三品四百疋一百疋從
 三品三百疋七十五四品二百四十疋六十疋從
 四品二百疋五十疋五品一百六十疋四十疋從五

品一百二十疋三十疋六品一百疋二十五疋從六
 品八十疋二十疋七品六十疋十五疋從七品四十
 疋十疋八品三十六疋九疋從八品三十二疋
 九品二十八疋七疋從九品二十四疋六疋
 祿率一分以帛一分以粟一分以錢事繁者優
 一秩平者守本秩閑者降一秩長兼試守者亦降一
 秩官非執事不朝拜者皆不給祿州郡縣制祿之法
 刺史守令下車各前取一時之秩上上州刺史歲秩
 八百疋與司州牧同上中上下各以五十疋為差中
 上降上下一百疋中中及中下亦以五十疋為差下

上降中下一百疋下中下下亦各以五十疋爲差上郡太守歲秩五百疋降清都尹五十疋上中上下各以五十疋爲差中上降上下四十疋中中及中下各以三十疋爲差下上降中下四十疋下中下下各以三十疋爲差上上縣歲一百五十疋與鄴臨漳成安三縣同上中上下各以十疋爲差中上降上下三十疋中中及中下各以五疋爲差下上降中下二十疋下中下下各以十疋爲差州自長史下逮于史吏部縣自丞以下逮于掾佐亦皆以帛爲秩郡有尉者尉減丞之半皆以其所出常調課給之自一品以下至

流外勲品各給士力一品至三十人以下流外勲品或以五人爲等或以四人三人二人一人爲等繁者加一等平者守本力閑者降一等諸州刺史守令以下幹及力皆聽勅乃給其幹出所部之人一幹輸絹十八疋幹身放之力則以其州郡縣白直充後周制祿秩下士一百二十五石中士以上至於上大夫各倍之上大夫是爲四千石卿二分孤三分公四分各益其一公因盈數爲萬石凡頒祿親年之上下畝至四釜爲上年上年頒其正三釜爲中年中年頒其半二釜爲下年下年頒其一無年爲凶荒不頒祿隋京

官正一品祿九百石其下每以百石為差至正四品是為三百石從四品二百五十石其下每以五十石為差至正六品是為一百石從六品九十石以下每以十石為差至從八品是為五十石食封及官不判事者并九品皆不給祿其給皆以春秋二季刺史太守縣令則計戶而給祿各以戶數為九等之差大州六百二十石其下每以四十石為差至於下下則三百石大郡三百四十石其下每以三十石為差至於下下則一百石大縣百四十石其下每以十石為差至於下下則六十石其祿唯刺史二佐及郡守縣令

本志文帝時嘗以百僚供費不足臺省府寺咸置廨錢收息取給工部尚書蘇孝慈以為官人爭利非興化之道上表請罷從之公卿以下及給職田各有差義寧二年唐王為相國罷外官給祿每十斛給地二十畝也唐武德中外官無祿貞觀二年制有上考者乃給祿其後遂定給祿俸之制以民地租充之京官正一品七百石從一品六百石正二品五百石從二品四百六十石正三品四百石從三品三百六十石正四品三百石從四品二百六十石正五品二百石從五品一百六十石正六品一百石從六品九十石正七品八十石從七品七十石正八品六十石從八品五十石

通志職官各七

正九品

五十石從九品

五十石

諸給祿者三師三公及太

子三師三少若在京國諸司文武官職事九品以上

并左右千牛備身左右太子千牛並依官給其春夏

二季春給秋冬二季秋給

在京文武官每歲給祿總一十五萬一千五百三十

三石二斗自

至德後不給 其在外文武官九品以上准官皆降京

官以上一等給其文武官在京長上者則不降

諸給祿應

降等者正從一品各以五十石為一等二品三品皆以三十石為一等四品五品皆以二十石為一等六

品七品皆以五石為一等八品九品皆以二石五斗為一等

其俸錢之制在京諸

司官初置公廨及蕃官興易以充其俸貞觀十二年

罷公廨置胥士七千人取諸州上戶為之准防閤例

而收其課三歲一更計負少多而分給焉十五年以

府庫尚虛勅在京諸司依舊置公廨給錢充本置令

史府史胥士等令迴易納利以充官人俸諫議大夫

楮遂良上疏曰國家制令憲章三代商賈之人不居

官位陛下近許諸司令史捉公廨本錢諸司取此色

人號為捉錢令史不簡性識寧論書藝但令身能賈

販家足貲財錄牒吏部即依補擬輸錢於官以獲品

秩苟得無耻豈蹈廉隅太宗納之停諸司捉錢依舊

本府給月俸二十一年復依故制置公廨給錢為之

本置令史府胥士等職賈易收息以充其俸永徽元

年悉發胥士等更以諸州租調脚直充之其後又令
賦簿百姓一年稅錢依舊令高戶及典正等掌之每
月收息錢以充官俸其後又以稅錢為之而罷其息
利凡在京文武正官每歲供給俸食等錢并防閑庶
僕及雜息
錢總一十五萬三千七百二十貫負外官不
在此數外官則
以公廨田收及息錢等常食公用之外分充月料先
以長官定數其州縣少尹長史司馬及丞各減長官
之半尹大都督府長史及副都督別駕及判司准二
佐以職田數為加減其參軍及博士減判司主簿縣
尉減縣丞各三分之一儀鳳二年制內外官俸食邑

防閑邑士白直等宜令王公以下率口出錢充給焉
調露元年九月職事五品以上准舊給仗身開元十
年正月省王公以下視品官參佐及京官五品以上
官仗身職真凡在京司文武職事官五品以上給防
閑一品九十一人二品七十二人三品四十八人四品三十二人五品二十二人
六品以下給庶僕六品五人七品四人八品三人九品二人
公主邑主八十人郡主六十人縣主四十人特封縣主三十人
京官仕兩職者從多給凡州縣官皆有白直二品十四人
三品二十二人四品二十五人五品十六人六品十七人七品八人
八品五人九品四人凡諸親王府屬並給士力數如白直其

通志職官各

三

防閣庶僕白直士力納課者每年不過二千五百執
衣元不過一千文防閣庶僕舊制季分月俸食料雜
用即有分諸官應月給開元二十四年六月乃撮而
同之通謂之俸料一品月俸八千食料千八百雜用
千二百防閣十五千通計二十六千自二品而下各
有差二品通計二十四千二百三品通計十七千四
百四品通計十一千五百六十七五品通計九千二
百六品月俸二千食料四百雜用四百庶僕二千五
百通計五千三百自六品而下皆用庶僕亦各有差
七品通計四千五十八品通計二千五百五十九品

通計千九百

其數自唐初以來即有中間色目或有加減此方為定制諸州倉庫

門須守護者謂之門夫後亦舉其名而收其資以給
郡縣官

致仕官祿

唐令諸職事官年七十五品以上致仕者各給半祿
謂如元制依開元五年十月勅致仕應請物令所由
送至所居之宅

職田
公廨田

古者自卿以下必有圭田圭田五十畝餘夫二十五
畝故王制曰公田籍而不稅秦漢之間不詳其制至

晉公卿猶各有采田及田騶多少之級後魏孝文太和五年州刺史郡太守并官節級給公田隋文帝開皇中以百僚供費不足咸置廩錢收息取利蘇孝慈上表請罷於是公卿以下内外官給職分田一品給五頃至五品則爲三頃其下每以五十畝爲差又給公廩田以供用唐凡應在京諸司各有公廩田司農寺給二十殿中省二十少府監二十太常寺二十京兆府河南府各十太府寺十六吏部戶部各十兵部內侍省各十中書省將作監各十刑部大理寺各十尚書都省門下省太子左春坊各十工部十光祿寺

太僕寺秘書省各九禮部鴻臚寺都水監太子詹事府各八御史臺國子監各七項其京左右衛太子家令寺各六衛尉寺左右驍衛左右武衛左右威衛左右領軍衛左右金吾衛左右監門衛太子左右春坊各五太子左右衛率府太史局各四宗正寺左右千牛衛太子僕寺左右司禦率府左右清道率府左右監門率府各三內坊左右內率府率更府各二在外諸司公廩田亦各有差大都督府四中都督府三五下都督府都護府上州各三中州二十官總監下州各十上縣十中縣八下縣六上牧監上鎮各五下

通志職官略二

三三

縣及中下牧司竹監中鎮諸軍折衝府各四頃諸治監

諸倉監下鎮上關各三頃五市監諸屯監上戍中關及

津各二頃其津隸下關一頃十畝中戍下戍岳瀆各一頃

諸京官文武職事各有職分田一品十二頃二品十三頃

品九頃四品七頃五品六頃六品四頃七品三頃八品二頃

九品二頃並去京城百里內給其京兆河南府及京

縣官人職分田亦准此即百里內地少欲於諸州及

都護府親王府官人職分之田亦各有差二品十二頃

三品十四頃四品八頃五品七頃六品五頃京畿

鎮戍關津岳瀆及在外監官五品五頃

六品二頃五畝七品三頃八品二頃九品一頃五畝三衛中郎

將上府折衝都尉各六頃中府五頃五畝下府及諸郎將

各五頃上府果毅都尉四頃中府三頃五畝下府二頃上府長

史別將各三頃中府下府各二頃親王府典軍五頃副典

軍四頃千牛備身左右太子千牛備身各三頃諸軍上折

衝府兵曹二頃中府下府各一頃其外軍校尉二頃

旅帥一頃隊正副各八畝皆於領側州縣界內給其校

已下在本家及去家百里內領者不給其田亦借民

受數而已諸職分陸田限三月三十日稻田限四月三十

日以前上者並入後人以後上者入前人其麥用田

以九月三十日為限若前人自耕未種後人酬其功
 直已自種者准租分法開元十年六月勅所置職田
 本非古法爰自近制是以因循事有變通應須刪改
 其內外所給職田從今年九月以後並宜停給十八
 年六月京官職田特令准令給受復用舊制自大曆
 中置竭時物騰踴內官不給仍減外官職田三分之
 一以給京官俸每歲通計給文武官正員外員及內
 侍省閑廐五坊南北宿衛使并教坊人家
 雜糧等凡給田米前後可約七十萬石數

官品第十六

書言唐虞建官惟百夏商倍之明堂位言虞官五十
 夏官百商官二百然其秩命則未之聞周始分九命

以官人秦制爵二十等以賞功勞見王侯
 封爵篇二漢亦因
 秦二十等以為差功之賞而不為常秩其官秩自二
 千石至百石有等降魏之祿秩差次亦遵漢制以定
 九品焉晉宋因之梁之祿秩不異於魏而易品為班
 更定十八班陳復舊制仍遵九品後魏建官初有九
 品又有從品每一品之中分上中下三等至孝文太
 和二年十二月改次職令除其中等自第四品以下
 正從又分上下階北齊因之後周效成周建六官亦
 以九命官人其六官之外兼用秦漢等官然於九命
 之中而分正命猶下上階也謂王朝之官為內命諸

俟及州縣官為外命隋開皇中削周用齊而以九品定流內分正從自第四品以下又分上下階其流外官又置視流內品至煬帝除上下階惟留正從九品又定朝之班叙以品之高卑為列品同則以省府為前後省府同則以局寺為前後唐有四品以下亦分上下階大抵因隋制然自魏定九品之後與今不殊惟漢制異於是後漢守前漢之規而有加焉其間亦小有升降不為差異今獨存西京之故制云

漢官秩差次

丞相太尉司徒司空諸將軍及諸侯王國官不在此目後漢則太傅三公大將軍驃

騎大將軍亦不在此目

中二千石

月百八十斛王莽改曰卿

御史大夫太常光祿勳衛尉

太僕大鴻臚廷尉宗正大司農少府執金吾二千石

月百二十斛王莽亦曰真二千石上大夫太子太傅少傅將作大匠太子

詹事大長秋典屬國水衡都尉京兆尹左馮翊右扶

風司隸校尉城門校尉中壘校尉屯騎校尉步兵校

尉越騎校尉長水校尉胡騎校尉射聲校尉虎賁校

尉州牧郡太守比二千石

月百斛王莽亦改為中大夫

丞相司直

光祿大夫光祿中郎五官左右三將光祿虎賁中郎

將光祿中郎將騎都尉西域都護副校尉奉車都尉

駙馬都尉郡尉千石月八十斛王莽改為下大夫丞相長史大司

馬長史御史中丞更名御史長史前後左右將軍長史太常

丞光祿勳丞衛尉丞太僕丞廷尉左右監大鴻臚丞

宗正丞大司農丞少府丞執金吾丞太子衛率萬戶

以上縣令其次比千石光祿太中大夫光祿郎中車

戶騎三將光祿謁者僕射光祿虎賁郎八百石成帝除八

秩百石太子家令下比八百石光祿勳諫大夫六百石

月七十斛王莽改曰元士衛尉公車司馬令衛士令旅賁令廷尉

左右平太子門大夫太子庶子將作大匠丞太子詹

事丞水衡都尉丞京兆尹丞左馮翊丞右扶風丞州

刺史郡丞郡長史郡尉丞次萬戶以上縣令比六百

石月六十斛太常太博士光祿議郎中郎光祿謁者掌賓

贊受事員西域都護丞司馬候五百石成帝除五百石秩王莽復

置故以爲命士減萬戶縣長四百石月四十五斛自四百石至二百石爲刺史王莽

改曰中士太子中盾萬戶以上縣丞次萬戶以上縣丞減

萬戶縣丞比四百石光祿侍郎三百石月四十斛王莽改為下士


次減萬戶縣長比三百石月三十光祿郎中二百石

月三十萬戶以上縣尉次萬戶以上縣尉減萬戶縣尉

百石自百石已有計食佐史之秩爲少吏王莽改百石秩曰庶士

職官略第七

享和榮表



Vertical columns of text, including the title '享和榮表' and various entries, possibly a list of names or titles. The text is written in a traditional Japanese style, likely kuzushiji.

望月氏藏本

望月氏藏本

享和榮表

